



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

დემეტრაძე ნიკოლოზ ივანეს ძე

დემეტრაძე ნიკოლოზ ივანეს ძე [6 (18). XII. 1888, სოფ. წითელი ხევი, ახლანდ. ბაღდათის მუნიციპალიტეტი, - 7. IV. 1954, თბილისი], ქირურგი. მედ. მეცნ. დოქტორი (1937).

1919 დაამთავრა კიევის უნ-ტის სამედ. ფაკ-ტი. 1924-29 მუშაობდა თბილ. სხვადასხვა საავადმყოფოში ქირურგად. 1937-47 იყო თბილ. სამედ. ინ-ტის (ახლანდ. უნ-ტი) ტოპოგრ. ანატომიის და ოპერაციული ქირურგიის კათედრის პროფესორი, 1947-იდან გარდაცვალებამდე - ამავე კათედრის გამგე.

წლების მანძილზე იყო სამედ. ინ-ტის სანჰიგიენური ფაკ-ტის დეკანი. დ. იკვლევდა ოპერაციული ქირურგიის და ტოპოგრ. ანატომიის ისეთ აქტუალურ საკითხებს, როგორცაა ბარდაყის არხის თიაქარკვეთის ანატ. საფუძვლები, ნერვებისა და სისხლძარღვების ცვალებადობა, ოსტეომიელიტის მკურნალობა, კანის პლასტიკა და სხვ.

თხზ.: ტოპოგრაფიული ანატომიის სახელმძღვანელო, ნაწ. 1-2, თბ., 1942-47; ოპერაციული ქირურგიის სახელმძღვანელო, თბ., 1947; მუცლის ღრუს ოპერაციული ქირურგია, თბ., 1951; ტოპოგრაფიული ანატომია (სახელმძღვანელო სამედ. ინ-ტის სტუდენტებისათვის), გამოც. მე-2, თბ., 1968.
